

**Dissertatio academica usum muscorum : breviter delineatura / ...
moderante ... Carolo von Linné ... curiosorum submittit censurae alumnus
regius Andreas Henrici Berlin.**

Contributors

Linné, Carl von, 1707-1778
Berlin, Anders Henric, 1746-1773

Publication/Creation

Upsaliae : [publisher not identified], [1766]

Persistent URL

<https://wellcomecollection.org/works/cjv76ske>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

F. D. G.
DISSERTATIO ACADEMICA,
U S U M
M U S C O R U M ,
BREVITER DELINEATURA,
QUAM
CUM CONS. NOB. ET EXPERIENT. FAC. MED.
IN PERILLUSTRI AD SALAM LYCEO.
MODERANTE,
VIRO NOBILISSIMO atque GENEROSO
D:NO CAROLO
VON LINNÉ,
EQUITE AURATO DE STELLA POLARI,
S:Æ R:Æ M:TIS SUEC. ARCHIATRO,
MED. ET BOTAN. PROFESSORE REG. ET ORD.
ACAD. SCIENT. PARIS. UPSAL. HOLM. PETROPOL. BEROL. IMP.
N. C. LOND. ANGL. MONSP. TOLOS. FLORENT.
EDINE. BERN. NIDROS. SOCIO.
CURIOSORUM SUBMITTIT CENSURÆ
ALUMNUS REGIUS
ANDREAS HENRICI BERLIN,
ANGERMANNUS.
IN AUDITORIO CAROLINO MAJORI
DIE XVII. DECEMBER ANNI MDCCCLXVI.
HORIS ANTE MERIDIEM SOLITIS
~~~~~  
**U P S A L I A E**

S:Æ R:Æ M:TIS  
MAGNÆ FIDEI VIRO,  
PERILLUSTRI AC GENEROSISSIMO DOMINO  
**D:NO PETRO**  
**ABRAHAMO**  
**ÖRNSKÖLD,**  
**GUBERNATORI,**  
PER  
**NORRLANDIAM OCCIDENTALEM**  
**PRÆCELLENTISSIMO ,**

Tenues pagellas hasce, ceu pignus animi ve  
nerabundi & gratissimi, cum adsidua sum  
mæ ac perpetuo duraturæ felicitatis adprecatione  
sacras esse voluit

AUCTOR.

*VIRO*  
EXPERIENTISSIMO ATQUE CELEBERRIMO,  
**NICOLAO GISLER,**  
MEDICINÆ DOCTORI, LOGICES ET METAPHYSICES AD REGIUM  
GYMNAS HERNOS. LECTORI SOLERTISSIMO,  
MEDICO ADJACENTIUM PROVINCIARUM PERSPICACISSIMO;  
ACAD. SCIENT. HOLM.  
*MEMBRO.*

Beneficiorum in memet, quem, discipuli pari-  
ter ac clientis loco, tenerime fovendorum  
cientiisque, Hernosandæ, jam diu augendum sus-  
cepisti, tantum esse numerum lubens profiteor, ut  
decenti prædicatione illum celebrare plane ne-  
queam. At vero, dum, obsequii testificandi ergo,  
primitias laboris mei Academicæ Tibi, *Summe Pa-  
rone*, offerre in animum induxi, eas non solum  
facilis admittas, sed admissas etjam serena, qua-  
foles, fronte excipias, est id, quod, majorem in  
nodum, abs Te contendo. Erit, de cetero, mihi  
semper in votis, dignetur rerum Auctor & Gu-  
bernator optimus, Te, salvum & in columem, per  
longam annorum seriem, conservare, in Floræ cul-  
torum gaudium, in exoptatissimum ægrotantium  
solatium, inque Tuorum pignorum commodum &  
fulcrum firmissimum. Sic voveo, permansurus,  
quoad vixero,

EXPERIENTISSIMI ATQUE CELEBERRIMI  
*NOMINIS TUI*

cultor observantissimus,  
**ANDREAS BERLIN.**

HOF CAMERERAREN  
ÅDEL OCH HÖGAGTAD  
HERR HENRIC BERLIN:  
SAMT  
WÅLÅDLA FRUN,  
FRU ANNA CATHAR.  
BERLIN,  
FÖDD  
HELLSTRÖM,  
HÖGTÅRADE MINA KIÄRASTE FÖRÅLDRAR

**O**m jag icke beständigt ärkände Mina Hulda Föräldrars  
stora godhet och otaliga målgierningar: så felade jag  
aldeles mot den skyldighet, som sjelfwa naturen och hög-  
sta billigbeteu mig pålägger. Jag finner mig fördensku-  
för en óm vård och sorgfällig skötsel, från mitt första in-  
träde i verlden, oändeligen förbunden; och kan icke låta  
detta tilfället gå mig ur händerna, då jag vid utgifwan-  
det af mitt första Academiska Snille-prof får betyga min  
barnsliga wördnad, och med få ord utmerka, buru högt  
jag skattar den förmonen att GUD låtit mig fôdas och up-  
förras af så Hulda och Råttsinniga Föräldrar. Betalning  
för Eder mœda kan jag så litet gifwa, som Eder ouphörliga  
kärlek, den af mig ej åstundar; men brinnande suckar skola  
hos mig aldrig upphöra för Mina Huldaste Föräldrars bestän-  
diga wål, frambårdar til sidsta ögnablecket.


MINA KIÄRASTE FÖRÅLDRARS

lydigste Son  
AND. BERLIN.



## CAP. I.

### §. I.



mirandam plane in Regno Vegetabili eoconomiam naturæ observamus, ubi arbores, plantæ, gramina & musci incolas admodum differentes constituunt; ut enim metaphora utar, in *Syste-  
mate naturæ tom. 2. §. 4.* adhibita. GRAMINA instar vulgi sunt,

FILICES Novaccolæ, MUSCI cum algis *inquilini*, FUNGI vero Mendici. In quibus HERBÆ, eximiis ridentes floribus, nobiles referunt, ARBORES sunt Magnates, externam ab aliis suo tegmine propulsantes injuriam; in his PALMÆ, velut Principes, nubibus insertant capita. Ex his, vis & robur Regni vegetabilis, præprimis Graminibus innititur, reliqua magis ad conservationem, ordinem & ornamentum concurrunt. Ad singulas species dicere non attinet cui bono? cunæta enim ita disposuit Deus, ut aliquem saltem præsent usum, Syr. XLII. v. 26.

A

Her

Herbæ nobis medicinam & olera præbent; Arbores fructu  
nos delētant multipli. Muscos autem rūdis plebecula  
communiter inutiles judicat atque pro noxiis habet. Hinc  
Muscorum indolem & usum paulo enodatius tradere,  
haud alienum duxi. Quid vero præstiterim, aequus Lector  
judicet.

## §. II.

MUSCORUM nomine plantas Cryptogamicas, ca-  
pitulo membranaceo, Polline referto, comprehendunt  
Botanici: Ego vero cum vulgo Algas, utpote Lichenes,  
Marchantias, Jungermannias, muscis heic ad numero.  
Difficillimum enim agnosco constantes invenire limites  
inter Mnia & Jungermannias, unde etjam *Dillenius* plu-  
rimas Algas, familiæ muscorum adscripsit.

Musci perpauci, ad finem usque seculi proxime præ-  
terlapsi, erant cogniti. Evolvatur *Pinax Casp. Baubini*  
opus, in epocha tundatorum botanices, absolutissimum  
ubi tamen vix XL occurrunt musci, iisque oblcure satis  
descripti. Angli autem, ut *Rajus*, *Merret*, *Lhuyd*, *Doo-  
dius*, *Vernon*, *Petiver*, *Borbartius*, *Budlejus*, *Richardson*  
*Sherhard*, *du Bois*. &c., circa finem præcedentis Secul  
theoriæ muscorum fundamenta posuerunt. Huic autem  
ædificio exstruendo *Johannem Jac. DILLENIUM Hassum*  
fata scientiarum deltinarunt, qui *Historia sua muscorum*  
immortale tibi nomen peperit. In hac enim, numerum  
eorum ad species supra 600 auxit, easque penna sua ad-  
curatissime descriptis & delineavit, stannoque ipse adeo con-  
cinne exsulpsit, ut nemo melius. Redegit eos prætere-  
in formam systematicam, distinctis generibus & differen-  
tiis specificis, additis synonymis aliorumque scriptorum ob-  
servationibus notatu dignis, ut ex muscis, jam maximum  
Botanicum, tanquam ex ungve leonem, agnoscere liceat

Peculiare hoc in muscis observamus, quod non, u-  
plantæ, æstate revirescant, nec, instar fungorum, ineunt  
au

autumno delestantur, sed, hieme ipsa luxuriant, ut *biermales* merito audiant; & state vero arescere ac velut intermori videantur. Ex iccati etjam, velut *Anastatica*, aquis immissi, revirescent atque expanduntur; singuli præter unicam *Buxbaumiam*, suis gaudent *foliolis*. Fructificatio maxime singularis, in plurimis mares & foeminæ stellis capitulisque distingvuntur; in *Buxbaumia* autem anthera intra operculum distincta.

## §. III.

Ut plantæ floribundæ in Indiis, & graminea in Temperatis maxime luxuriant: Ita ad polos *Frigidos* & Alpes, musci potissimum habitant. Alpes enim adscendentibus, cestantibus sylvis, totam regionem quaqua versum patentem Lichenibus tectam, conspicimus. Quin etjam in terris nostris borealibus vix ullum datur terræ spatium, muscis vacuum, præter summitates alpium, brumali tempore nivibus obrutas altissimis. Musci inter plantas & graminea tegunt terram, ne nuda triste præbeat spectaculum, velut in summis alpibus, ubi rarissimæ passim herbæ in solo sabuloſo & nudo comparent; tegunt *Hypna* nudam & sabulosam terram in umbrosissimis *silvis*, quas foliis radii penetrare nequeunt, adeoque in iis vix ulla planta, nisi parasitica crescere valet. Tegunt lapides, qui denudati tristia referrent sceleta; tegunt caudices ac tignos putrescentes, in terra prostratos ipsosque *arborum* truncos videntes structuris plane admirandis, atque hī speciem hortorum amoenissimorum curiosis præbent oculis. *Paludes* ac fossas implant easque in solidam terram convertunt; *Putrescentem* aquam absorbent puramque præstant, adeo ut his destituta patria, non exiguo carceret ornamento. Nos vero usum, quem musci aliquot nostris adferunt terris, singularem breviter explicare conabimur.

## §. VI.

USUS sane rerum, in commoda nostra ab optimo

Creatore, conditarum varius est ac multiplex: ut enim in regno vegetabili maneam, plantæ nonnullæ vires in *medicina* exserunt, aliae usum præstant *œconomicum*, in vi-  
tu & vestitu parando, in ædificiis, agris, pratis, arte  
tinctoria, & sic porro. Alius earum conspicitur usus in  
maxima illa *Naturæ œconomia*, ubi unum propter alterum,  
in sustentationem universi, est ordinatum. De his vera  
aucturi nos, & que ac alii omnes, ad herbas ipsas perfe-  
sissimas, merito obstupescimus, ad incognita potius multa;  
quam pauca nobis dudum patefacta, maxime in musco-  
rum clasie, adeo nuper detecta, & cujus objecta sunt mi-  
nutissima, ad quæ vulgus minus attentos convertit ocu-  
los. Excusabit igitur lector benevolus, quod pauca ad-  
ferrimus, reliqua posteris forte perspicacioribus, riman-  
da permittentes.

## CAP. II. §. I.

Plerique apud nos musci sunt exigui, a spithamo ad lineam vel etiam subtilitatem oculis vix observandam, exceptis Lycopodiis, quæ in India præsertim cum frutici-  
bus certant, perinde ac *Pblegmaria* cum arboribus ma-  
xime proceris. Omnes musci nostri, saltem liquore hu-  
meati, sunt molles & plerique semper virentes. Musci  
eiusdem sunt indolis atque *Elymus arenarius* & *Arundo*  
*arenaria*, in arena sua volatili; Aëstivo enim tempore  
*humum dedalæm* subtilissimam, ventis agitatam, & fumi  
instar volitantem, ubi decidit, musci retinent, quæ locum  
sterilem hoc modo pinguem reddit, ad sepimenta & saxa  
alioquin devolvenda, ubi herbæ eam ob causam lætius  
crescunt. Hoc igitur respectu muscus in Politia Naturæ  
eximiam habet utilitatem.

## §. II.

Decrescente in ripis maritimis aqua, rupes & saxa de-  
nudata *Ryssaxatili* primum canescunt, qui PRIMUS ex-  
istit GRADUS VEGETATIONIS; inde *Lichenibus* colo-  
ran-

rantur ac vestiuntur *leprosis*, qui in tenuem putrescunt terram, ut *Lichenes imbricati* radices agant. His postea *Hypna* & *Bryæ* inseruntur, humum collectura dedalæam; donec hi lapides, herbis aliquot, hospitia & alimenta præbent, pari, atque terra reliqua, ornatu superbientes.

## §. III.

In PALUDE profundiore aut stagno, ad ripas crescit *Sphagnum palustre*, *Minum triquetrum*, *Bryum paludosum*, *aestivum* & *squarrosum*, *Hypnum aduncum*, *scorpioides*, *riparium*, *cuspidatum* &c. Imprimis vero Sphagno palustri & Mnio cuspidato stagnum totum in paludem concrescit turfosam, euntibus ac vehentibus aptam, tandemque natura vel arte, in pratum abituram fertilissimum, ut tacem *Cæspites* pro foco, qui apud nos maximam partem prædictis Muscis suam debent originem & matricem.

## §. IV.

ÆSTATE, deficiente saepe per aestum humido, vegetabilia arescunt. Musci vere exurentes *solis areent radicos*, unde majores horum ardentissimo saepe aestu radices Herbarum servant humidas. Hinc edociti HORTULANI, ad plantas juniores & teneriores conservandas, ollis suis muscos imponunt, eosque in hortis botanicis lubentissime plantarent, ut his aroolas ac pulvilos tegendo, difficilem irrigationis laborem levare & minuere possent.

## §. V.

Radices plantarum in pratis HIEME pellis instar operiunt ac tuentur musci, ne summo exurantur frigore. Unde hortulani quoque rariores per hiemem plantas, muscis impositis, conservant.

## §. VI.

Muscis, Verno tempore imprimis, indigenæ servantur herbæ, ne gelu radices evellantur. Notum est clima-tis nostri incommodum, quod, plantarum in hortis aut

agris sponte nascentium, radices minores, humo præser-  
tim grossiore & magis bibula aut paludosa, ubi dies, ver-  
nali calore terram mitigant, nocturna autem frigora con-  
stringunt, post aliquot dies solo extractæ exarescunt;  
quod malum tamen musci super impositi avertunt, atque  
impediunt. Semina *Abietis* in horto academico pro se-  
pimentis vivis, a N. D. Præside terræ primum commis-  
sa, Cannabis more densius creverunt primo anno; se-  
quenti autem, tenellæ stirpes, injuria cœli vernalis evul-  
læ, omnes perierunt. Iterum vero satas Abietes vere  
in sequente muscis obruendo servavit. Hæc igitur functio  
muscorum non est exigua in œconomia Naturæ.

## §. VII.

Queritur vulgus PRATA sterilia videns muscis obsi-  
ta, herbas his advenis excludi & nutrimentis privari; sed  
pari jure, pilos & plumas animantium nutritionem im-  
minuere dixeris. Rudis enim plebecula naturam eminus  
respicit, ideoque properante nimis fallitur judicio. Mu-  
scorum certe nullus, (præter sylvatica Lycopodia rarissima,  
heic non consideranda) transversum digitum, imma-  
sæpe vix lineam, radicibus terram penetrat, neque adeo  
magis ullam excludit herbam, quam herbæ proceras ar-  
bores, radicibus suis terræ profundius inhærentes. Mu-  
sci igitur pratis *nocere nequeunt*; sed potius pratum editius  
& sterile, his plane destitutum, herbas ostendit miseras lon-  
go inter se spatio, nudo ac deformi solo, velut in alpi-  
bus, distantes, quarum radices aut æstas exurèt, aut hi-  
ems franget, aut ver evellet penitus. Falluntur igitur  
agricolæ nostrates, dum inopiam in pratis muscosis gra-  
minum & herbarum innoxiis imputant muscis. Exstir-  
pantur enim ibi herbæ & gramina, quia falce demetun-  
tur ante maturata semina, ut gratum pecoribus evadat  
fœnum; quia falce secando ad radices accessit proprius; quia  
pecora verno tempore surgentes depascuntur stolones,

quia

quia autumno eadem corculum radicis morsu arrodunt; quoniam pecora vere & autumno, molli terra, conclicant aut conterunt radices; quia pratum quotannis exsugitur, et nunquam stercoratur, immo ne quidem qui-escit, donec suis vegetabilibus confirmata humus atque fuerit aucta. Heic igitur, præter muscos, nil crescere potest. Tolle muscos, & non multiplicabis herbas; sed, quæ su-persunt, vel gelu verno sublevati, vel æstivis siccari ar-doribus, vel frigore hiemis perire videbis, paucas autem residuas, musci, quantum fieri potest, servant. Semina aliarum plantarum muscis illapsa, a frigore & æstu hic diu jacent illæsa, faciliusque vegetantur, ob humidita-tem muscorum ad radices plerumque observatam. Hinc etiam, plerarumque arborum, e. g. Quercus, Conyli, Fagi, Abietis, Pini semina haud facile sine muscis plan-tari videmus quotidie. Nullus mortalium fane ullam her-bam aut gramen unicum muscis exterminatum vidi; Herbae autem muscos expellunt quotidie. Hinc non alia melius arte tolluntur musci, quam si, solo stercorato, herbarum augetur alimentum, quo non magis, quam pecora carere possunt. Herbae autem multiplicatae muscos statim enecant, terræque, pro flava, viridem conciliant faciem.

## §. VIII.

Si Radix aut lignum humidæ inhæret terræ, in aqua continua non facile putreficit. Hinc gelu vernali, in ae-rem elevatur edacem, cum aliquantula humi particula. His vero per æstatem exsiccatis, mox inseritur Polytri-chum cum aliis muscis, unde turfa oritur. TURFARUM enim apud nos præcipua origo paludosæ debetur humo, gelu elevatae, maxime ubi radix subest juniperina, quæ resina sua balsamica putredini resistit. In muscis humus colligitur volitalis, unde turfa compacta redditur. Et cum in paludibus hæc maxime fiant, ubi terra est mobi-lior, maxima quoque in his turfarum est copia, quibus

ad quartam plus minus ulnæ partem paludes totæ elevantur, usque dum in pratum mutantur.

## §. IX.

Quid in ARBORIBUS musci efficiant, non adeo facile determinatur. Lichenes, in arboribus depresso & humidiori loco natis, copiosius quam in ceteris, luxuriare videmus; utrum vero truncum a frigore defendant an vero, ut œstra in pecudibus & pediculi in pueris, *fonticulos* præstent, alii judicant. Oderunt hos valde hortulani in arboribus fructiferis, jure ne an injuria, ipsi disponent. Ceterum *Helice nemorum* muscos heic commode exstirpari. Iter Scan. p. 284.

## §. X.

Ad specialiores muscorum usus, adhuc parum cognitos, sed quantivis pretiis considerandos frigidissimæ nostræ nos deducunt regiones. Lapponia sane theatrum muscorum præbet amplissimum. Teguntur, ut diximus *Indiae* arboribus sempervirentibus; in plagiis *australibus temperatis* floriferæ luxuriant Herbæ; in *temperatis frigidioribus* multiplicantur Gramina; in Polaribus gelidis musci abundant. Nam ut terræ calidiores plurima habent animalia mammalia, sine pilis, nuda; frigidiores vero eadem fovent magis pellita: ita tellus ipsa in climate frigidiore, muscis, velut vestibus utitur pelliceis; in calidiore vero his plerumque destituitur.

## §. XI.

Maxima pars LAPPONIÆ sylvaticæ campis consta arenæ farinaceæ horizontalibus, qui omnes LICHENI *rangiferino* & paucis aliis, quasi nivibus contesti, alblicant rupes albent Lichene centrifugo, & spatia sub fructibus Lich: arctico. Latera quidem Lapponiæ alpestri silvis ornata sunt, his vero peragratis, ad tota sæpe militaria, alpes altiores, solo fere Lichene rangiferino congreguntur, donec ad ipsa per ventum fuerit cacumina alpina qua

quæ muscis vacua, pauculas ostendunt plantas longe discretas & segregatas. Cervi *Tarandi*, quibus aenidis, Lichen rangiferus potissimum est destinatus, pati iam heic inveniunt, ubi bene. His cicuratis, totam fundarunt œconomiam *Lappones*, qui Cereris & Bacchi expertes, sub Pane tantum vitam agunt pastoream cum Rangiferis, quos nocte dieque in pascua ducunt, ubi, altissimis licet per hiemem nivibus, sullo more, Lichenem suum rostris petunt Rhenones. Ex his, Lappones lac, caseum, carnem potissimum, vestem, lectumque habent, adeoque lichenibus dictis, omnes fere sustentantur *Lappones*, qui aliis in regionibus, vitam tolerare, vix queunt. Conf. *Flor. Lappon.* §. 437. ubi hæc dilucidius pertractantur.

In WESTROBOTNIA rustici ingentes Lichenum rangiferinorum acervos ferreis rastellis, post pluvias corradiunt vaccis in penuria foeni, pro alimento per hiemem, adspersa aqua, inservituros; sed tenuis admodum hic est vietus, quod ex lacte, non satis pingvi conspicitur.

## §. XII.

**POLYTRICHUM Ursus** ad lectum sibi per hyemem dormituro sternendum, colligit. Ex hoc forte eductus Lappo, lectum & stragula e Polythricho pellis instar de terra detraicto sibi conficit, ubi sub dio frigido pernoctans calore fruitur placido. Non referam pauperes *pulvinaria* sua muscis implentes; nec *Sciurum* cubile suum rotundum & concinnum inde fingentem, nec *Aves* plerasque nidos inde construentes, ovis excludendis pullisque fovendis aptissimos. Adducam SPHAGNUM *palustre*, cunis Lapporum adcommodatissimum, quo lappones tam linteis quam panibus destituti, *infantes* suos molliter fovendos involvunt; hoc enim urinam absorbet, quod alia non efficiunt vestimenta. *Flor. Lappon.* §. 4. 15.

**ELYCOPODIO** clauato & annotino storeas conficiunt nostrates, ad introitum ædium quotidie ponendas, quibus

bus abstergantur calcei. BRYUM *hypnoides*, culcitra velut naturalis, sessionem in cautibus duris reddit molliorem. FON TINAL. *antipyretica* vim habet admirandam, quam scire omnes architecti & fabri murarii, inque ædificiis exstruendis observare deberent. Hic enim muscus fornacibus vel prope parietem collocatis vel in contignationes superiores erexitis, circumpositus, igni adeo fortiter resistit, ut, si vel rupto camino, ignis ad parietes pergeret, nulla foret exustio metuenda. BRYUM *rurale*, quod *tecta nostra*, imprimis straminea vetusta, copiose occupat, quodque adeo sollicite a rusticis everritur, ne putredinem inferat, magnum quoque habet usum; Omnem muscum aquam retinendo nocere putant rustici: sed e contrario teatum stramineum hoc musco obductum integro durabit seculo; muscus enim, humidum exsorbendo, putredinem impedit. Iter Scanic. pag. 118. Consultius igitur ejusmodi in teatis muscus hic foret promovendus, quam extirpandus.

## §. XIII.

In Suecia, ubi ædificia communiter exstruuntur lignea rimas obturare necessum est, ad calorem retinendum. Fit hoc HYPNO *parietino* & *prolifero*, sine quo cum difficultus, tum sumtuosius ædificaremus. Variis in locis mulieres pro *filtro* laetis Confervas, & in aliis Polythrichum & Hypnum adhibent. Maxime vero Polytricha pro *aspergillis* usurpantur in panibus vel aliis rebus conspergendi: quin etjam rure muscus, ut corpus bibulum, loco spongiarum adhibetur, quod nec antiquis fuit ingnotum. An Hyssopus S:ræ S:ræ aliud fuerit quam muscus, & an Hyssopus Salomonis, qui differuit a Cedro maxima, ad Hyssopum e parietibus minimum, BRYUM fuerit *truncatum*, quod etjamnum in singulis muris crescit Hierosolymitanis, (vid. Flor. Sv. 1001) Philologis enodandum relinquimus. Pisces ab uno in alium translaturus locum,

piscinis inimittendos', muscos dolio injiciat, ne adlisi ad interiora vasis pereant. Plantæ quoque *Succulentæ*, aut *Bulbi* & similes e China usque ad nos in muscis commodissime transmittuntur; quin etjam Botanici radices hinc Parisios & vicisim, muscorum ope mittunt illætas. Hortulani *Rubos arcticos* seu baccas Norlandicas conservaturi, areas verno tempore altissimis tegunt muscis, ut, retento gelu germinationem radicum, ad solstitium aestivum, impediant, quæ vernis caloris frigorisve vicissitudinibus alioquin corrumpuntur.

#### §. XIV.

*Cellæ glaciariæ* variis instituuntur modis, Vidimus eas muscis tantum formatas adeo præstantes, ut, aliis lapide construatis, aut sub terra profunde absconditis, palmam præripuerint. In *ablationibus* arborum circa ramum muscos alligare haud ita pridem cœperunt hortulani. His vero perpetuo humectatis truncus radices emitit in muscos, dein ramus infra novas radices amputatus suo plantatur loco.

#### §. XV.

Introduxerunt Angli ingeniosi in hortulos suos plantas nonnullas americanas rariores, quas antea conservare nullus Hortulanus potuerat. Impleverunt autem ollas Sphago palustri, inque his plantarunt *Sarracenia*, *Vaccinium arctostaphyllum*, *Rubum Chamæmorum*, *Hydrastidem*, *Lelum* &c, quæ sunt, cetera. Ut taceam usum muscorum prius commemoratum, in plantis hortensibus ab ardore festivali, frigore hiemali & gelu vernali eleuante defendis; circumcingitur etjam truncus *arborum* exoticarum muscis, quæ, ab oris remotissinis ad latæ, primum plantantur, ne ante actas, quantum satis est, radices, æstu soari pereant.

#### §. XVI.

Ex muscis ipsum sæpe SOLUM cognoscimus. Ubi nim *Mnium* crescit *palustre*, AQUA subest, & *Mnium fontale*,

*fontale* FONTEM indicat, unde in silvis & paludibus Norlandicis solo hoc musco, indagari possunt fontes frigidi, quorum ibi magna est copia; quod in *flora Lapponica* §. 414. observatum, verissimum esse ipse perspexi saepius. Ad mentionem *Mnii fontani* succurrit *Splachnum*, quod heic ad Ljumkil in locis stercoratis in SPLACHNUM transformatur *ampullaceum*, hoc vero in locis Lapponiae finitimiabit in SPLACHNUM *luteum*; quemadmodum MNIUM *annustum* mutatur in SPLACHNUM *vasculosum*, hoc vero in SPLACHNUM *rubrum*; quæ observatio in solo mihi natali continuari meretur, in aliis forte muscis non sine usu & delectatione instituenda.

### §. XVII.

Muscis etiam peculiaribus arbores nonnullæ, frondibus licet per hyemem destitutæ, agnoscuntur. Sic CARPINUS, *Lichene Carpino*, FAGUS *Lichene Fagineo*, PRUNUS spinosa *Lichene Prunastri*; FRAXINUS, *Lichene Fraxineo* proditur, & sic porro. Procul etiam, quod notabile, a *Lichene calcareo* rupes cognoscuntur CALCAREÆ, & a *Lichene saxatili*, rupes SAXOSÆ. Saxum etiam quod situm diu servavit, BYSSUM monstrat *saxatile*, conversum vero BYSSO innotescit *Zolitho*. Plura sane ejusmodi attentus inveniet indagator.

### §. XVIII.

Ad usum muscorum referri quoque suo jure meretur experimentum, recentioris ævi præstantissimum, quod Norvegis debemus; scilicet *Lichene vulpino* tolluntur LUPI, hostes infestissimi &, post homines, in cædendis pecoribus maxime crudeles. Hoc sane remedio Norvegi patriam suam ab his latronibus tutam admodum reddiderunt. *Lycopodium Selago*, perinde ac *Ledum*, ad PEDICULOS a equis, vaccis, suibus aliisque profligandos a nostratibus rusticis in decocto pro lauacro usurpatur; ut taceam rusticum, qui se ipsum, uxorem & familiam a siphilitide eo curavit; in appropriata dosi egregie purgat. § XIX.

## §. XIX.

Muscorum in arte TINCTORIA usus neminem fugit; Lichene Parelle Galli aliique serica sua tingunt colore RUBELLO. *Roccella*, seu *Lichen fusiformis*, ex rupibus olligitur maritimis insularum Canariarum, Atricæ & Archipelagi, ex quo extrahitur color pulcherrimus, serico tingen-  
lo inserviens. Imitantur hunc Westrogothi Nostrates, qui ex *Lichene tartareo* perurinam extrahunt colorem rubrum, nomine Byttellet vulgo notum, Communiter utem mulieres rusticæ, ad hoc *Lichenem saxatilem* adibent. Sunt præterea multi Lichenes crustacei & imbriati, quibus color ruber inest, inque his *Lichen stygius* merito commendatur. A *Lichenibus* autem variis, e. g. *uniperino*, *parietino* & *vulpino* color FLAVUS habetur, ræter *Byssum folithum*, unde, dum eradicatur, coloratur manus. Præ ceteris autem ad flavedinem inducendam *Lichene pustulato* nostri utuntur rusticæ. A *Lichene pululato*, TUSCHUM Atramentum chinense præparari do-  
et Academia Scientiarum; atque exteri ante aliquot annos a *Lichene prunastri* pulvrem CYPRIUM pro dealbatio-  
ne crinium, adeo præstantem formari scripserut, ut cum  
o, quem amylo debemus, certare possit.

## §. XX.

Multiplex in medicina muscorum est utilitas. Non dferam *Usneam cranii humani*, veterum medicinam plae superstitionis; ipsum etiam excludam *Polytrichum ureum*, nec viribus *Lycopodii clavati* adversus PLICAM olonicam s. Ecclampsiam, & minus contra DYSTOCLIM multum tribuo. *Polythrichos* s. Adianto aureo sine amno nostra carerent Pharmacopolia. *Lichen pulmonarius*, ob signaturam externam pulmonibus similem, in em medicam introductus, pectoris mederi morbis cre-  
itur. Ego vero in ICTERO, hunc adhiberem potius,

ubi vim eximiam exseruisse certae docent observationes. Adhibent tamen hunc saepius rustici ad TUSSIM pecudum vehementiorem non sine successu.

*Auricula Judæ, Tremellæ species, adversus Anginas & OPHTALMIAS usurpatur frequentius. Lichen caninus contra RABIEM & Hydrophobiam ab Anglis: Sloaneo, Meadio, aliisque medicis celebratissimis ita commendatur ut negare hunc ejus usum non ausim, Act Lond. vol 20.p.237.*

*Pulvis Antilyssus Pharmac. Lond. ubi  
Rc. Lich. Canin 3ij*


*Pip. nigr. 3j.*

*M. F. Pulvis. D. 3jv,*

*Muscus cumatilis vi gaudet insigni purgante & ANT-HELMINTICA; APTHAS hoc remedio curari omnes jamdiu norunt vetulæ. Lichen islandicus, ab aliis Ran- giferinus, nuper contra PTHISIN copiose colligi cœpit. Paratur etjam inde cum laetæ, pulmentum non ingratia saporis, abjecta tamen, ne purget, prima coctionis aqua. Lichenem velleum eodem modo præparatum Canadenses saepe, teste Kalmio comedunt. Flavus iste Lichen Juniperinus a rusticolis nostris tanquam sacra ancora quotidie in Itero commendatur & usurpatur.*

*Lichen plicatus seu muscus arboreus, forma turundinis HÆMORRHAGIAM narium fistit. Eundem, in INTERTRIGNE a deambulatione siccum, adiplicant Lappones, velut specificum. Optimum etjam medicamentum ad Intertriginem infantum semina præbent *Lycopodii*, quibus etjam Pharmacopolæ pilulas obducunt, ne cohærent. Est enim hic pulvis a liquore ita alienus, ut, aquæ superadspersus, digitum immissum madefieri non sinat. Muscorum in PHYSICIS effectus multi adferri possunt, e. g. quod semina *Lycopodii* flammæ adspersa pulveris instar pyri fulgurant, compacta vero accendi nequeunt; quod pedunculus *Mnii hygrometrici*, ad basin madefactus, more aristæ Geranii caput ter aut quater circumagit, apice vero humectato regyratur, quo phænomeno europa forte quævis institui poterunt. Nos vero hæc & alia naturæ miracula contemplantes, ad bonitatem Dei summam concitemur agnoscendam, qui in rebus etjani minimis, tanta sapientiæ suæ dedit vestigia atque specimina, ut habeat homo scientiæ cupidus, quod per totam ætatem inquirat, & vix tamen intra superficiem rerum pertingat.*

S. D. G.



# An den Verfasser.

## Liebster Freund!

Ich habe schon lange die Gelegenheit gesucht, Ihnen meine Ergebenheit öffentlich an den Tag zu legen, und keine bessere gefunden, als die gegenwärtige: Sie treten nun auf die Catheder, und vertheidigen eine Wahrheit, die nicht alle Sterblich begreissen können; nur die Natur-Verständige, nur die Lehrlinge des Großen von LINNE. Was werden es wohl ihre Landsleute sagen, da sie ihre Disputation zum Gesichte bekommen? Sie werden daraus ersehen, was sie von ihnen in künftigen Zeiten zu hoffen haben. Sie werden in ihnen mit der Zeit einen Æsculap und einen Plinius finden: Das ist auch nicht zu verwundern; Die Natur hat sie, Mein bester Freund, mit einem raren Genie begnadigt, und der größte Heid der Natur hat sie gelehret ihr recht zu folgen; und wenn diese beiden Stücken aufs genaueste zusammen verknüpft sind, so ist es leicht den Nutzen der Menschen grundlich auszuforschen.

Ich gratulire ihren guten Vater, daß er einen solchen würdigen Sohn hat, und wünsche mit allehestem den Tag zu sehen, da ihr fleiß soll belohnet werden, wie er verdienet.

Im übrigen bitte ich Sie, glauben sie mir, daß sie keinen besseren Freund haben als den, der sich nennt

ALEXANDER v. KARAMYSCHEW,  
Edelmann aus Siberien  
Amico & Populari Integerrimo.

Elegansissima hac Dissertatione, dum ostendis, in litteris, scientiaque in primis Botanica, progressus non utique sperendos, amicis Tuis, quos inter ego, ansam sat amplam ræbes exsultandi. Pergas itaque spem istam, quam de tecipit Gens nostra Angermannica, impleturus. Sed quid est, uod te exhorter? felix Tibi a natura inest ingenium, discenque ardor prorsus singularis. Habet exempla, quæ æmuleris. It si exotica non arrident, delectet Te nomen ARTEDIA-UM, utinam vero longiorem vitam vitæque exitum mitiorem ltingas.

ZOH. NORDLUND.

## A U C T O R I.

**S**pecimen hocce Tuum, Amice honoratissime, satis superque commostrat, Te in nobilissima Scientia egregie esse versatum. Magis certe nobis erit gaudio, si tale tamque ingeniosum tirocinium alti honoris gradus olim subseqvatur, quod fore, spe & cogitatione hanc vna p̄cipere licebit. Perge pulcerrimos, uti cœpisti, in Hesperiduhortis, ac sapientiæ vidariis amoenissimis, flores legere. Optimus rerum Conditor omnigenam Tibi largiatur felicitatem, illa quam primutribuendo præmia, quibus virtus suos amatores decorare adiolet.

*ex aſſe tuus*  
**PETR. NORDBLAD.**

## M O N S I E U R

**L**a sincere amitié, qui dès notre plus tendre age nous uni, quand nous fines nos études ensemble, ne scauro qu' exiter en moi une joye particulière: quand je vois donner au public les premices de vos beaux progrès dans les sciences auxquelles, dès votre enfance vous avez eût une grande inclination; J'espere que vous ne prenniez pas mauvaife part, que je temoigne publiquement la part que j'préns en vous saubtaitant toute sort de prosperités. Continue mon cher ami! comme vous avez dignément débuté & soy sûr que la providence ne se laisse jamais de recompenser une industrie si louable & un vertu sans farde.

Je suis,

M O N S I E U R,

votre très humble serviteur.

**PETR. P. HOLMBOM.**